



Nuuk, 24. september 2009

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apeqquteqarpunga:

**Upernaaq inatsisartut immikkut ataatsimiinneranni tallimanngorneq 19.juni 2009 inatsisartut aalajangertinneqarput immikkut 20 milliuuninit aningaasaliinissamik nunaqarfinni tunitsiviit inuussutissarsiornikkullu periarfissat pitsannorsarneqarnissaat tunngavigalugu aningaasat akuersissutigineqarlutik. Naalakkersuisunut apeqqutit:**

- **Ullumikkumut suliassat aammalu aningaasaliinerit sumut atorneqarsimappat ?**
- **suullu pilersaarutit ingerlanneqarpat ?**

#### **Tunngavilersuut:**

Upernaaq 19.juni inatsisartut ataatsimiinneranni aningaasat immikkut qinnutigineqartut 20. milliuunit inatsisartuni akuersissutigineqarput

Ilaatigut taamanikkut aningaasaliinissami akuersissuteqarnermi Aalisarnermut Naalakkersuisoq Ane Hansen Inatsisartut oqaluttarfianniit oqaaseqarpoq aningaasat atugaassiissutigineqartussat sumut atorneqarnissaat qularnaarneqarpat Aalisarnermut ataatsimiititaliaq ammaffigalugu ilisimatinneqarnissa kisianni massakkumut sumilluunniit ilisimatinneqanngilagut.

Taamaammatt ersarissumik paasisaqarusuppunga aningaasat sumut atorneqarnersut aammalu immikkoortitaarlugit sumut atugassanngortinneqarsimanersut.

Aammalu ukiup tullianut Naalakkersuisut nunaqarfinni tunisassiorfinnut qanoq pilersaaruteqarnersut, kiisalu kiffartuussinissamut isumaqatigissuteqarniarnersut AGF-mut Royal Greenland-mullu. Kiisalu illoqarfinni ukunani Qaanaami, Ittoqqortoormiuni, Maniitsumilu, Maniitsoq Fiskeindustri ilanngullugit ammatitsinissamik siunnerfeqarnersut paasisaqarusuppunga.

Nunaqarfinni tunitsiviit Maniitsumi Qaanaami Ittoqqortoormiullu eqqarsaatigalugit tunitsiviit matuneqarnissaat tassani inuit najugaqartut eqqarsaatigalugit illersorneqarsinnaanngilaq, pinngitsooratillu ammatinneqarnissaat saneqquneqarsinnaanngilluinnarpoq.

Taamaammatt ersarissumik paasisaqarusuppunga qanoq Naalakkersuisut pilersaaruteqarnersut?

Ikinngutinnersumik inuulluaqqusillunga

Hans Enoksen  
Siumut